

醫統正脈全書

六八

R251  
5314

醫學發明方目錄

吳茱萸丸

利膈丸

消痞丸

黃耆補中湯

本草十劑

傷元活血湯

乳香神應散

全當歸導滯散

紫金丹

聖靈丹

調中順氣丸

沉香導氣丸

木香順氣丸

沉香交泰丸

加減瀉白散

神祕湯



三奇湯

補中益氣湯

硃砂安神丸

用藥加減法

人參益肺散

通氣防風湯

草薢菝丸

白朮附子湯

丁香練實丸

天台烏藥散

茴香練實丸

川練子散

托裏榮衛湯

沉香海金沙丸

續隨子丸

海金沙散

木香搗氣丸

廣茂潰堅湯

導滯通經湯

赤茯苓丸

薑附湯

沉香桂附丸

十全大補湯

中滿分消丸

中滿分消湯

藿香安胃散

加減二陳湯

人參平肺散

參蘇溫肺湯

滋腎丸

清肺飲子

還少丹

補益腎肝丸

水芝丸

地黃丸

三才封髓丹

離珠丹

天真丹

八味丸

通幽湯

潤腸湯

當歸拈痛湯

羌活導滯湯

開結導飲丸

除溼丹

除風湯

枳實大黃湯

小續命湯

疎風湯

三化湯

大羌活愈風湯

大秦芎湯

半夏溫肺湯

丁香半夏丸



紫蘇飲子

脾寒

巴戟丸

腎虛

雙和散

補血氣

附子温中丸

温青

五邪相干

醫學發明目錄終



醫學發明卷一

江陰朱氏校刊本

元 丹溪朱震亨著

膈咽不通并四時換氣用藥法

黃帝鍼經云胃病者腹臘脹胃脘當心而痛上支兩脇  
膈咽不通食飲不下取三里夫咽者嚥物之門戶也  
膈者上焦胃中心肺之分野不通者升降之氣上不  
得交又云清氣在下則生飧泄泄黃如糜米穀不化  
者是也濁氣在上則生臘脹腹中臘滿不得大便或  
大便難或先結後溏皆是也濁氣在上當降而不降

者乃腎肝吸人之陰氣不得下而反在上也胃氣逆上或爲嘔或爲吐或爲噦者是陰火之邪上衝而吸入之氣不得入故食不下也此皆氣衝之火逆胃之脉反上而作者也清氣在下則生殮泄者胃氣未病之日當上行心肺而營經也因飲食失節勞役形體心火乘於土位胃氣弱而下陷於陰中故米穀入而不得升反降而爲殮泄也膈咽之間交通之氣不得表裏者皆衝脉上行逆氣所作也蓋胃病者上支兩脇膈咽不通飲食不下取三里者是也鍼經云清濁

相干亂於胃中是爲大惋惋者惑也氣不交通最爲  
急證不急去之諸變生矣聖人治此有要法陽氣不  
足陰氣有餘先補其陽後瀉其陰是先令陽氣升發  
在陽分而後瀉陰也春夏之月陽氣在經當益其經  
脈去其血絡秋冬陽氣降伏當先治其藏府若有噎  
有塞塞者五藏之所生陰也血也噎者六府之所生  
陽也氣也二者皆由陰中伏陽而作也今立四氣用  
藥并治法於後

冬三月陰氣在外陽氣內藏當外助陽氣不得發汗內



消陰火勿令泄瀉此閉藏周密之大要也盛冬乃水  
旺之時水旺則金旺子能令母實肺者腎之母皮毛  
之陽元本虛弱更以冬月助其令故病者善嚏鼻流  
清涕寒甚出濁涕嚏不止比常人大惡風寒小便數  
而欠或上飲下便色清而多大便不調夜寒無寐甚  
則爲痰咳爲嘔爲噦爲吐爲唾白沫以至口開目瞪  
氣不交通欲絕者

吳茱萸丸主之

吳茱萸

草豆蔻仁

各一錢  
二分

橘皮



益智仁

人參

黃耆

升麻

各八分

澤瀉

白殭蠶

薑黃

柴胡

各四分

當歸身

炙甘草

木香

青皮

各六分 二分 三分

大麥蘖

一錢五分

半夏

一錢

右件爲細末湯浸蒸餅爲丸如棗豆大細嚼三十丸

白湯送下無時

夏三月大暑陽氣在外陰氣在內以此病而值此時是

天助正氣而挫其邪氣不治而自愈矣然亦有當愈

不愈者蓋陰氣極盛正氣不能伸故耳且如膈咽不

通咽中如梗甚者前證俱作治法當從時利膈丸泄  
肺火以黃耆補中湯送下如兩足痿厥行步恇然欬  
側欲倒臂臄如折及作痛而無力或氣短氣促而喘  
或不足以息以黃耆人參甘草白朮蒼朮澤瀉猪苓  
茯苓橘皮等作湯送下滋腎丸一百五十丸六七月  
之間濕熱之令大行氣短不能言者加五味子麥門  
冬如心下痞膨悶食不下以上件白朮蒼朮等湯送  
下消痞丸五七十丸更當審而用之

利膈丸主胸中不利痰嗽喘促脾胃壅滯

木香 七錢

檳榔 七分半

厚樸 薑製二兩

人參

藿香葉

枳實 麩炒

炙甘草

當歸 各二兩

大黃 酒浸焙秤二兩

右為細末滴水和丸或少用蒸餅亦可如桐子大每

服三五十九丸食後諸飲下

消痞丸 治一切心下痞悶及積年久不愈者

黃連 去鬚揀淨炒六錢

黃芩 刮黃色六錢 薑黃

白朮 各一兩 人參 四錢

炙甘草 二錢 縮砂仁 三錢

枳實 麩炒色半兩 橘皮 四錢

乾生薑 二錢 半夏 湯洗七次



四錢

麴炒黃色 二錢

一方加澤瀉厚樸

各三錢

猪苓 二錢半

右為極細末湯浸蒸餅為丸如桐子大每服五七十丸至百丸白湯送下食後服

黃耆補中湯

黃耆 一錢

人參 八分

炙甘草

白朮

蒼朮

橘皮 各半兩

澤瀉

猪苓

茯苓 各三分

右咬咀都作一服水二盞煎至一盞去滓大溫送下



上件丸藥

本草十劑

宣可以去壅薑橘之屬是也此大畧言之蓋外感六淫之邪欲傳入裏三陰尙實而不受逆邪氣於胷中窒塞不通而或噦或嘔所謂壅也仲景云嘔多雖有陽明證不可攻之况乾噦者乎三陰者脾也故單用生薑宣散必愈若嘔者有聲而有物邪在胃系未深入胷中以生薑橘皮治之或以霍香丁香半夏亦此之類投之必愈此天分氣分虛無處一無所受今乃窒塞仲

景謂膈之上屬上焦悉屬於表或有形質之物因而

越之則可若氣壅則不可

越之者吐也亦無下之理

破氣藥也

辛瀉

氣若陰虛穢氣逆上窒塞嘔噦不足之病此地道不

通也止當用生地黃當歸桃仁紅花之類和血涼血

潤血兼用甘藥以補其氣微加大黃芒硝以通其閉

大便利邪氣去則氣逆嘔噦自不見矣復有胃中虛

熱穀氣久虛發而為嘔噦者但得五穀之陰以和之

五穀皆屬陰或食或飲白湯皆止嘔噦

則嘔噦自止且如小兒斑後餘

熱不退痲不收斂大便不行一謂血燥則當以陰藥

治血因而補之用清涼飲子通利大便而瀉其熱也  
潔古云涼風至而草木實夫清涼飲子乃秋風徹熱  
之劑傷寒家邪入於裏日晡潮熱大渴引飲譫語躁  
狂不大便是謂胃實乃可攻之夫胃氣爲濕熱所傷  
以承氣湯瀉其土實元氣乃得周流承氣之名於此  
見矣今哀世人以苦瀉火故備陳之除熱瀉火非甘  
寒不可以苦寒瀉火非徒無益而反害之故諄諄及  
此至如孫真人言生薑嘔家之聖藥謂上焦氣壅表  
實而言之非以瀉氣而言之也



若脾胃虛弱穀氣不行榮衛下流清氣不上胃中閉塞  
惟益胃推揚穀氣而已不宜瀉也若妄以瀉氣瀉血  
藥下之下之則轉增閉塞疼痛或變作結胃復下其  
膈由此致危者多矣鍼經說阿欠噦唏振寒噫噦譫  
涕淚出太息涎下耳中鳴自齧舌頰唇視生病者補  
之此十二邪者皆奇邪之走空竅者也凡邪之所在  
皆爲不足宜補而不宜瀉空竅者胃之清氣能通也  
胃氣虛則穀氣不上行是氣路不利經云廉泉玉英  
者津液之道路也津液不上胃中氣路不開亦令人



噦勿作外實辛辛藥生薑之類瀉其壅滯蓋肺氣已  
虛而反瀉之是重瀉其氣必胃中如刀剗之痛與正  
結胃無異亦聲聞于外用藥之際可不慎哉

通可以去滯通草防已之屬是也防已大苦寒能瀉血  
中大熱之滯也亦能瀉大便與大黃氣味同者皆可  
瀉血滯豈止防已而已通草甘淡能助西方秋氣下  
降利小便專瀉氣滯也小便氣化若熱絕津液之源  
於肺經源絕則寒水斷流故膀胱受濕熱津液癰閉  
約縮小便不通宜以此治之其脈右寸洪緩而數左

尺亦然其證胷中煩熱口燥舌乾咽嗑亦乾大渴引  
飲小便淋瀝或閉塞不通脛腠脚熱此通草主之凡  
與通草同者茯苓澤瀉通草猪苓琥珀藶麥車前子  
之類皆可以滲泄利其滯也此雖泄氣滯小便不利  
於肺中有所未盡爾予昔寓長安有王善夫病小便  
不通漸成中滿腹大堅硬如石壅塞之極脚腿堅脹  
破裂出黃水雙睛凸出晝夜不得眠飲食不下痛苦  
不可名狀其親戚輩求治病人始病不渴近添嘔噦  
所服治中滿利小便之藥甚多細思素問云無陽者

陰無以生無陰者陽無以化膀胱津液之府氣化乃能出矣此病小便癰閉是無陰陽氣不化者也凡利小便之藥皆淡味滲泄爲陽止是氣藥謂稟西方燥金之化白天降地是陽中之陰非北方寒水陰中之陰所化者也此蓋奉養太過膏粱積熱損北方之陰腎水不足膀胱腎之室久而乾涸小便不化火又逆上而爲嘔噦非膈上所主也獨爲關非格病也潔古曰熱在下焦填塞不便是治關格之法今病者內關外格之證悉具死在旦夕但治下焦乃可愈遂處以



稟北方之寒水所化大苦寒氣味者

黃蘗

知母

各二兩

酒洗之以肉桂爲之引用

所謂寒因熱用者也同爲極細末煎熟水爲丸如桐子大焙乾空腹令以沸湯下二百丸少時來報藥服須臾如刀刺前陰火燒之痛溺如瀑泉湧出卧具盡濕床下成流顧盼之間腫脹消散故因記之或曰防已之性若何曰防已大苦寒能泄血中之濕熱通血中之滯塞補陰瀉陽助秋冬瀉春夏藥也比之於人則險而健者也險健之小人幸災樂禍遇風塵之警

則首爲亂階然而見善亦喜逢惡亦怒如善用之亦  
可以敵兇暴之人保險固之地此瞑眩之藥聖人有  
所存而不廢耳大抵聞其真則可惡下咽則令人身  
心爲之煩亂飲食爲之減少至於十二經有濕熱壅  
塞不通及治下疰脚氣除膀胱積熱而庇其基本非  
此藥不可眞行經之仙藥無可代之者復有不可用  
者數事若遇飲食勞倦陰虛生內熱元氣穀氣已虧  
之病以防已泄大便則重亡其血此不可用一也如  
人大渴引飲是熱在上焦肺經氣分宜淡滲之此不

可用二也若人久病津液不行上焦虛渴宜補以人參葛根之甘溫用苦寒之劑則速危此不可用三也若下焦有濕熱流入十二經致二陰不通然後可審而用之耳

補可以去弱人參羊肉之屬是也夫人參之甘溫能補氣之虛羊肉之甘熱能補血之虛羊肉有形之物也能補有形肌肉之氣凡氣味與人參羊肉同者皆可以補之故云屬也人參補氣羊肉補形形氣者有無之象也以大言之具天地兩儀者也以小言之則人



之陰陽氣血也以之養生則莫重於斯以天地物類  
論之則形者坤土也人之脾胃也乃生長萬物也地  
欲靜靜則萬物安坤元一正之土亘古不遷者也耕  
種之土乃五行運用者也動之有時春耕是也若冬  
時動之令天氣閉藏者泄地氣凝聚者散精氣竭絕  
萬化不安亦如人之勞役形體則大病生焉故曰不  
妄作勞則明當靜之時若勞役妄作則百脈爭張血  
脈沸騰精氣竭絕則九竅閉塞衛氣散解夫以人參  
甘草之類治其已病曷若救其未病爲拔本塞源之

計哉內經云志閑少欲飲食有節起居有常減其思慮省語養氣庶幾於道何病之有如或不慎病形已彰若能調其脾胃使榮氣旺清氣上升則四藏各得其所所以氣論之天地人三焦之氣各異損其脾者益其氣損其脾胃調其飲食適其寒溫黃耆之甘溫能補皮毛之氣人參之甘溫能補肺之氣甘草之甘溫能補脾胃之中經營之氣肺主諸氣氣旺則精自生形自盛血氣以平故曰陽生則陰長此之謂也血不自生須得生陽氣之藥血自旺矣是陽主生也若陰

虛單補血血無由而生無陽故也仲景以人參爲補  
神血藥其以此歟乃補氣補血之大畧也

洩可以去閉葶藶大黃之屬是也此二味皆大苦寒氣  
味俱厚不減大黃又性過於諸藥以洩陽分肺中之  
閉也亦能洩大便爲體輕象陽故也大黃之苦寒能  
走而不守洩血閉也血閉者謂胃中粗穢有形之物  
閉塞者也陽明病胃家實是也日晡潮熱大渴躁作  
有形之熱故洩其大便使通和汗出而愈矣一則治  
血病洩大便一則洩氣閉利小便若經絡中及皮毛



分肉間但有疼痛一槩用牽牛大黃下之乖戾甚矣  
通則不痛痛則不通痛隨利減當通其經絡則疼痛  
去矣如輕可以去實麻黃葛根之屬是也謂如頭痛  
當以細辛川芎之類通之則無所凝滯卽痛隨利減  
也臂痛有六道經絡究其痛在何經絡之閉以行本  
經行其氣血氣血通利則愈矣若表上諸疼痛便下  
之則不可當詳細而辨之也

輕可以去實麻黃葛根之屬是也夫六淫有餘之邪客  
於陽分皮毛之間腠理閉拒謂之實也實者榮衛氣

血不行之謂也宜以輕利開腠理致津液通氣也皮  
毛經絡寒邪之實去矣故二藥之體輕清成象象氣  
之輕浮也寒邪爲實輕可以去之然大同而小異蓋  
麻黃微苦爲陰之陽可入足太陽寒水之經其經循  
背下行本寒而又受外寒汗出乃愈當以發之葛根  
味甘溫可以發足陽明燥火之經身已前所受寒邪  
也非正發汗之藥謂陽明禁發汗利小便但解去經  
絡肌肉間寒邪則氣和汗自出矣麻黃專發汗去皮  
毛氣分寒邪葛根和解血分寒邪乃一陰一陽能瀉

表實不能瀉裏實若飲食勞倦雜病自汗表虛之證  
認作有餘便用麻黃發之汗大出則表益虛此蓋不  
知表虛宜補其亡陽閉其自汗秋冬用桂枝春夏用  
黃耆代之黃耆者能治虛勞自汗陽明標病者也陽  
明胃主自汗小便數若以人參甘草之補補之脾胃  
實脾胃實則衛氣行衛氣行則表自實表既實自汗  
何由而出清氣上行雖殮泄亦止矣此治其本也葛  
根雖爲和解之藥亦不可用用之則重虛其表仲景  
所論內外不足自汗之證大禁發汗利小便若已經



發寒汗寒邪未去雖發汗數多不可禁也寒邪已云  
重發其汗則脫人元氣若多汗小便赤澁不得利小  
便爲汗奪津液故也汗家不得重發汗小便多不得  
發汗汗多不得利小便小便多不得重利小便聖人  
所以切禁此者爲津液乃氣血之基本也一云亡陽  
一云脫血病人重發汗重利小便必脫元氣七神無  
依則必危困矣因辨麻黃葛根之宜禁故兼及之

中風同從高墜下

夫從高墜下惡血留於內不分十二經絡聖人俱作風

中肝經留於脇下以中風療之血者皆肝之所主惡  
血必歸於肝不問何經之傷必留於脇下蓋肝主血  
故也痛甚則必有自汗但人有汗出皆爲風證諸痛  
皆屬於肝木旣敗血凝沍從其屬入於肝也從高墜  
下逆其上行之血氣非肝而何非傷風無汗旣自汗  
必是化也以破血行經之藥治之

傷元活血湯 治從高墜下惡血留於脇下及疼痛不  
可忍

柴胡 半兩

蔓根

當歸 各三錢

紅花

甘草

山甲

炮各二錢

大黃

酒浸一兩

桃仁

酒浸去皮尖研如泥五十箇

黃帝鍼經云有所墮墜惡血留內若有所大怒氣上而

不行下於脇則傷肝肝膽之經俱行於脇下經屬厥

陰少陽宜以柴胡為引用為君以當歸和血脈又急

者痛也甘草緩其急亦能生新血

甘生血

陽生陰長故

也為臣川山甲瓜萸根桃仁紅花破血潤血為之佐

大黃酒製以盪滌敗血為之使氣味和合氣血各有

所歸痛自去矣



右件除桃仁外挫如麻荳大每服一兩水一盞半酒  
半盞同煮至七分去滓大温服之食前以利爲度得  
利痛減不盡服

乳香神應散 治從高墜下疼痛不可忍及腹中疼痛

乳香 沒藥 雄黑豆 桑白皮

獨科栗子 各一兩 破故紙 二兩

炒香

右爲細末每服半兩醋一盞於砂石器內煎至六分  
入麝香少許去滓温服

當歸導滯散 治落馬墜車打撲損傷瘀血大便不通

紅腫青黯疼痛昏悶畜血內壅欲死

川大黃 一兩 川當歸 一分 麝香 少許

右三味除麝香另研外為極細末研勻每服三錢熱酒一盞調下食前內瘀血去或骨節折疼痛不可忍以定痛接骨紫金丹治之

紫金丹

川烏頭 炮

草烏頭 炮各一兩

五靈脂

木鱉子 去殼

骨碎補

葳靈仙

金毛狗脊

自然銅 醋炒七次

防風

地龍 去土

烏藥

青皮

去白

陳皮

去白

茴香

黑牽牛

各半錢

乳香

沒藥

紅娘子

麝香

各二錢半

禹餘糧石

醋炒四兩

右爲細末醋麪糊爲丸如桐子大每服十九至二十丸丸酒調下病在上食後病在下食前

聖靈丹 治打撲損傷及傷折疼痛不可忍者

乳香

半兩

烏梅

去核五箇

萵苣子

一大盞炒黃取二兩八錢

白米

一掬

右爲細末煉蜜和丸如彈子大每服一丸細嚼熱酒



送下喫子一伏時不痛如痛再服

凡衛氣留於腹中積蓄不行脈弦急及腹皮急苑蘊不得常所支脇胃中滿喘呼逆息者

調中順氣丸 治三焦痞滯水飲停積脇下虛滿或時

刺痛

木香

白豆蔻仁

青皮

去白

陳皮

去白

京三稜

炮各一兩

大腹子

半夏

湯洗七次各二兩

縮砂仁

枳榔

沉香

各半兩

右為細末水糊為丸如桐子大每服三十九丸漸加至

五十九煎陳皮湯下

沉香導氣散 治一切氣不升降脇肋刺痛胃膈閉塞

沉香

檳榔

各二錢半

人參

訶子肉

大腹皮

剉炒各半兩

烏藥

剉

麥蘖

炒

白朮

神麴

炒

厚朴

薑製

紫蘇葉

各一兩

香附

炒一兩半

薑黃

紅皮

炙甘草

各四兩

京三稜

炮

廣茂

炮

苾智仁

各二兩

右爲極細末每服二錢食前沸湯點服

清氣在下則生殮泄濁氣在上則生臘脹此陰陽反作  
病之逆從也飲食失節則爲脹又濕熱亦爲脹右關  
脈洪緩而沉弦脈浮於是風濕熱三脈合而爲病  
也是脾胃之令不行陰火亢甚乘於脾胃故膈咽不  
通致濁陰之氣不得下降而大便乾燥不行胃之濕  
與客陰之火俱在其中則脹作使幽門通利泄其陰  
火潤其燥血生益新血則大便不閉吸門亦不受邪  
濁陰得下歸地也經云中滿者泄之於內此法是也

木香順氣湯

治濁氣在上則生臘脹



木香 三分

厚樸 薑製四分

青皮 去白

陳皮

益智仁

白茯苓 去皮

澤瀉

乾生薑

半夏 湯洗

吳茱萸 湯洗各二分

當歸 五分

升麻

柴胡 各一分

草豆蔻 麩裏燒去皮三分

蒼朮 泔浸三分

右咬咀都作一服水二大盞煎至一盞去滓大温服

食前忌生冷硬物及怒經云留者行之結者散之以

柴胡升麻苦平行少陽陽明二經發散清氣運行陽

分爲君 以生薑半夏草豆蔻仁益智仁辛甘大熱

消散中寒爲臣 厚樸木香蒼朮青皮苦辛大溫通  
順滯 當歸人參陳皮辛甘溫調和榮衛滋養中氣  
濁氣不降以苦泄之 吳茱萸苦熱泄之者也氣之  
薄者陽中之陰茯苓甘平澤瀉鹹平氣薄引導濁陰  
之氣白天而下故以爲佐氣味相合散之泄之上之  
下之使清濁之氣各安其位也 范天駭夫人先因  
勞役飲食失節加之憂思氣結病心腹脹滿旦食則  
不能暮食兩脇刺痛診其脈弦而細至夜濁陰之氣  
當降而不降臍脹尤甚大抵陽主運化飲食勞倦損

傷脾胃陽氣不能運化精微聚而不散故為脹滿先  
灸中脘乃胃之募穴引胃中生發之氣上行陽道又  
以前藥助之使濁陰之氣自此而降矣

沉香交泰丸 治濁氣在上而擾清陽之氣鬱而不伸  
以為臏脹

沉香

白朮

陳皮

去白各三錢

枳實

麩炒去穰

吳茱萸

湯洗

白茯苓

去皮

澤瀉

當歸

洗

木香

青皮

去白各二錢

大黃

酒浸一兩

厚樸

薑製半兩

右件各揀淨同為細末湯浸蒸餅為丸如桐子大每



服五十丸至七八十丸温白湯下食前微利即止

嘔欬氣喘

所謂嘔欬上氣喘者陰氣在下陽氣在上諸陽氣浮無所依從故嘔欬上氣喘也

加減瀉白散 治陰氣在下陽氣在上咳嗽嘔吐喘促

桑白皮

一兩

地骨皮

七錢

甘草

陳皮

青皮

白去

五味子

人參

去蘆各半兩

白茯苓

三錢

右件咬咀每服四錢水一盞半入粳米十粒同煎至一盞去滓大温服食後

神秘湯 治病人不得卧卧則喘者水氣逆上乘於肺

肺得水而浮而使氣不通流其脈沉大宜此治之

橘皮 洗

生薑

紫蘇葉

人參

桑白皮 剉炒各半兩

木香

白茯苓 去皮各三錢

右呔咀以水三升煎至一升去滓大温分三服

加減三奇湯 治咳嗽上氣痰涎喘促胃膈不利

桔梗 去蘆半兩

半夏 湯洗七錢

陳皮 去白

甘草

青皮 去白

人參 去蘆各半兩

杏仁 三錢研

五味子 四錢

加紫蘇葉桑白皮

各半兩

右咬咀每服四錢水二大盞生薑三片煎至一盞去滓大溫服食後

飲食勞倦論

古之至人窮於陰陽之化究乎生死之際所著內經悉言人以胃氣爲本人受水穀之氣以生所謂清氣營氣運氣衛氣春升之氣皆胃氣之別稱也夫胃爲水穀之海飲食入胃遊溢精氣上輸於脾脾氣散精上歸於肺通調水道下輸膀胱水精四布五經並行合



於四時五藏陰陽揆度以爲常也苟飲食失節寒溫  
不適則脾胃乃傷又喜怒憂恐損耗元氣旣脾胃氣  
衰元氣不足而心火獨盛心火者陰火也起於下焦  
其系繫於心心不主令相火代之相火下焦包絡之  
火元氣之賊也火與元氣不兩立一勝則一負脾胃  
氣虛則下流於腎肝陰火得乘其上位故脾胃之證  
始得之則氣高而喘身熱而煩其脉洪大而頭痛或  
渴不止其皮膚不任風寒而生寒熱蓋陰火上衝則  
氣高喘而煩熱爲頭痛爲渴而脈洪脾胃之氣下流

使穀氣不得升浮是春生之令不行則無陽以護其  
營衛故不任風寒乃生寒熱此皆脾胃之氣不足所  
致也然而外感風寒所得之證頗同而實異內傷脾  
胃乃傷其氣外感風寒乃傷其形傷其外為有餘有  
餘者瀉之傷其內為不足不足者補之汗之下之吐  
之澀之之類  
皆瀉也溫之和之調  
之養之之類皆補也內傷不足之病苟誤認作外感  
有餘之病而反瀉之則虛其虛也實實虛虛損不足  
而補有餘如此死者醫殺之耳然則奈何曰惟當以  
辛甘溫之劑補其中而升其陽甘寒以瀉其火則愈

醫學發日  
三  
矣勞者温之損者温之温能除大熱大忌苦寒之藥

瀉其土耳今立

補中益氣湯主之

黃耆

五分病甚勞役熱甚者一錢

當歸身

二錢酒焙乾或日乾以和血脈

人參

去蘆三錢有嗽去之

白朮

三分以調中氣

柴胡

二分引清氣上行少陽之經

炙甘草

五分

升麻

二分引胃氣上升而復其本位便是行春升之令

橘皮

三分以導滯氣又能益元氣得諸甘藥乃可若獨用瀉胃氣

一方加白芍藥黃蘗紅花



右件呔咀都作一服水二盞煎至一盞去粗大温服  
食遠

夫脾胃虛者因飲食勞倦心火亢甚而乘其土位其次  
肺氣受邪須用黃耆最多甘草人參次之脾胃一虛  
肺氣先絕故用黃耆以益皮毛而閉腠理不令自汗  
損其元氣上喘氣短人參以補之心火乘脾須炙甘  
草之甘以瀉火熱而補脾胃中元氣若脾胃急痛并  
大虛腹皮急縮者最宜多用急者緩之胃中清氣在  
下必加升麻柴胡以引之引黃耆甘草上升能補衛

氣之散解以緩帶脈之縮急二味苦平味薄者陰中之陽而引清氣上升也黃耆人參甘草三味皆甘溫爲主凡脾胃虛乃必用之藥氣亂於胃爲清濁相干用去白橘皮以理之又能助陽氣之升以散滯氣助諸甘辛爲用也口乾嗑乾者加葛根脾胃氣虛不能升浮爲陰火傷其生發之氣榮血大虧營氣不營陰火熾盛是血中伏火日漸煎熬血氣日減心包與心主血血減則心無所養致使心亂而煩病名曰恍惚者心惑而煩悶不安也故加辛溫甘溫之劑生陽陽

生則陰長或曰甘溫何能生血云仲景之法血虛以  
人參補之陽旺則能生陰血更加當歸和之又宜加  
黃蘗以救腎水能瀉陰中之伏火如煩猶不止少加  
生地黄補腎水水旺而心火自降如氣浮心亂以  
硃砂安神丸鎮固之則愈

硃砂

半兩另研水  
飛陰乾秤

黃連

去鬚揀淨酒  
洗秤六錢

炙甘草

五錢  
半

生地黄

二錢  
半

當歸

去蘆二  
錢半

右件四味爲細末另研硃砂水飛如塵陰乾爲衣湯  
浸蒸餅爲丸如黍米大每服十五丸津唾嚥之食後



醫通考  
三  
熱淫所勝治以甘寒以苦瀉之以黃連之苦寒去心  
煩除濕熱爲君以甘草生地黃之甘寒瀉火補氣滋  
生陰血爲臣以當歸補其血不足硃砂納浮溜之火  
而安神明也

四時用藥加減法

長夏濕土客邪大旺加蒼朮白朮澤瀉上下分消其濕  
熱之氣濕熱大勝主食不消故食減不知穀味則加  
麩以消之加五味子麥門冬助人參瀉火益肺氣助  
秋損也在三伏中爲聖藥

填塞咽喉陽氣不得出病名曰塞陰氣不得降病名曰  
噎噎塞迎逆於咽喉胃膈之間令諸經周身陽氣不  
行令人口開目瞪氣欲絕者何也清氣在陰濁氣在  
陽清濁相干亂於胃中是爲大悞夏月加青皮陳皮  
益智黃蘗泄陰火之上逆或以消痞丸滋腎丸各七  
八十九丸則愈冬月加吳茱萸大熱大辛苦之味以瀉  
陰寒之氣則愈食不消則加炒麴空心約宿食消盡  
服之待少時以美  
膳壓之不令  
胃中停留也食不下乃胃中有寒胃上有寒或氣寒  
澀滯加青皮陳皮木香此三味爲定法

冬月加益智仁草豆蔻仁夏月少加黃芩黃連秋更加  
檳榔草豆蔻仁縮砂仁白豆蔻仁如春初猶寒更少  
加辛熱之劑以補春氣之不足爲風藥之佐益智草  
豆蔻可也

冬月咳嗽者加不去節麻黃五分如秋涼亦加如春月  
天溫只加佛耳草款冬花各三分若痰嗽久病肺中  
伏火者去人參防痰嗽增益耳然調和陰陽血氣之  
際甘溫爲必用之藥 脈洪大兼見熱證少加黃芩  
黃連生地黃甘草 脈緩顯沉困怠墮無力者濕勝



也加蒼朮澤瀉人參白茯苓五味子 脈澀氣滯澀

者加當歸身木香天門冬青陳皮覺寒者加桂枝黃

耆

不足病雖見熱證須加寒熱藥不宜多以從權

頭痛有痰沉重懶倦者

乃太陰痰厥頭痛加半夏五分生薑三二分若更煩

亂如腹中或周身有刺痛皆血澁不足加當歸身

脇下急或痛甚俱加柴胡甘草人參 腹中氣上逆

者衝脈逆也加黃蘗三分黃連二分以瀉之 多唾

或唾白沫胃口呆寒也加益智仁如少氣不足以

息服正藥二三服猶氣短促此膈上及皮表間有寒

所過當引陽氣上升則愈多加羌活獨活升麻柴胡  
藁本次之黃耆倍之捫之而肌熱者表證也只服正  
藥一二服得微汗則已 躁熱作蒸蒸而熱者腎間  
伏火上騰也加黃蘗生地黃各三分 脚膝痿軟行  
步乏力或痛乃腎肝伏熱少加黃蘗空心服如不愈  
更加漢防已五分則愈使脚膝中氣力湧出矣 脈  
緩有痰而痞加半夏黃連 脈弦四肢滿悶便難而  
心下痞加黃連柴胡甘草 大便秘躁心下痞加黃  
連桃仁少加大黃當歸身 心下痞夯悶者加白芍

藥黃連 心下痞腹脹加五味子白芍藥縮砂仁如

天寒少加乾薑或中桂 心下痞覺中寒加附子黃

連 心下痞加黃連生薑橘皮冬月加黃連木香藿

香葉 能食而心下痞加黃連五分枳實三分 胃

中氣滯加去白青皮 噎痛領腫脈洪大面赤者加

黃芩桔梗甘草 耳鳴目黃頰領腫頭肩臄肘臂外

後廉痛面赤脈洪大者以羌活防風甘草藁本以通

其經血加黃芩黃連消其腫人參黃耆益元氣而瀉

火邪如脈緊面白喜噤或面色惡者皆寒也亦羌活



等四味中加之當瀉足太陽也不用寒藥 小便遺  
失肺金虛也宜安卧養氣以黃耆人參之類補之不  
愈是有熱也加黃蘗生地黃切禁勞役 卧而多驚  
小便淋洩者邪在少陽厥陰亦宜太陽經所加之藥  
更添柴胡半錢如淋加澤瀉半錢以下焦風寒合病  
也腎肝之病同一治爲俱在下焦非風藥行經則不  
可乃受客邪之濕熱也宜升舉發散以除之 頭痛  
加蔓荊子半分痛甚加川芎二分頂痛腦痛加藁朮  
三分若苦頭痛加細辛二分諸頭痛併用此四味足

矣 臍下痛者加熟地黃二分不已者大寒也其寒

從傳變中來加肉桂三分徧閱內經少腹痛皆寒非

傷寒厥陰之證也

仲景以抵當湯丸主之乃血結下焦膀胱

身有疼痛

及身重者濕也以五苓散主之如風濕相搏一身盡

痛加羌活防風各五分升麻柴胡各五分藁本蒼朮

各一錢所以然者爲風藥也能勝濕故另作一服與

之 肩背痛汗出小便數而欠者風熱乘肺肺氣鬱

甚也當瀉風熱則愈以

人參益肺散主之

柴胡

升麻

黃耆

各一錢

羌活

防風

人參

甘草

陳皮

各五分

藁本

三分

青皮

黃芩

白豆蔻仁

各二分

右咬咀都作一服水二盞煎至一盞去滓溫服食後

如面色白脫色氣短者不可服

肩背痛不可迴顧者此手太陽氣鬱而不行以風藥散

之脊痛項強腰似折項似拔者此足太陽經不通行

以



通氣防風湯主之

羌活

獨活 各一錢

藁本

防風

甘草

各五分

川芎

蔓荊子

各三錢

右咬咀都作一服水二盞煎至一盞去滓温服空心

如身重腰沉沉然經中有寒濕也更加酒洗漢防已

五分輕者附子重者川烏頭 腹中痛不惡寒加黃

芩芍藥 腹中痛惡寒而脈弦者小建中湯如脈沉

細者理中湯之類主之 腹痛在寒涼時加半夏益

智草豆蔻之類

胃脘當心而痛氣欲絕者胃虛之極也俗言心痛以

草豆蔻丸主之

草豆蔻 一錢四分麩裹燒熟去皮臍秤 吳茱萸 湯洗去苦焙秤

益智仁 陳皮 白殭蠶 黃耆

人參 各八分 生甘草 炙甘草 當歸身

青皮 各六分 神麴末 薑黃 各四分

桃仁 去皮尖湯浸七箇 澤瀉 一錢小便數減半

半夏 湯洗七次一錢 大麥蘖 炒黃錢半 柴胡 四分詳脇下痛多少用之

右一十八味除桃仁另研如泥外為極細末同研勻

湯浸蒸餅爲丸如桐子大每服三十丸熱白湯送下  
食遠旋斟酌多少用之

夫脾胃之證始則熱中終則寒中陰盛生內寒厥氣上  
逆寒氣積於胃中是腎水反來侮土此所謂勝者妄  
行也作中滿腹脹作涎作清涕或多溺足下痛不能  
任身履地骨之無力喜睡兩丸多冷時作陰陰而痛  
或妄見鬼狀夢亡人腰背脾眼腰脊皆痛而不渴不  
瀉不渴不瀉則溫氣去寒獨留寒獨留則血凝滯血  
凝滯則脈不通故其脈盛大以濇曰寒中當以



白朮附子湯主之

白朮

附子

炮去皮臍

蒼朮

陳皮

厚樸

薑製

半夏

湯洗七次

茯苓

澤瀉

猪苓

去皮半兩

肉桂

四錢

右件剉如麻豆大每服半兩水三盞生薑三片同煎至一盞去滓食前溫服量病人虛實加減多少

滑脈生癩疔

丁香練寶丸 治男子七疔痛不可忍婦人癥聚帶下

皆任脈所主陰經也乃腎肝受病治法同歸於一

當歸

去蘆剉碎

附子

炮製去皮臍剉

川練子

剉碎

茴香

炒

右四味各一兩剉碎以好酒三升同煎酒盡為度焙乾作細末每秤藥末一兩再入下項

丁香

木香

各二錢

全蝎

十二箇

玄胡

一兩

右四味同為細末入在前項當歸等藥末內拌和酒糊為丸如桐子大每服三十丸至一百丸溫酒送下空心食前凡疝氣帶下者皆屬於風全蝎治風之聖藥茴香川練子皆入小腸經當歸玄胡和血止痛疝氣帶下皆積寒邪入小腸之間故以附子佐之丁香

木香為引導也

天台烏藥散

天台烏藥

木香

茴香

青皮 去皮

良薑 炒各半兩

檳榔 剉二筒

川練子 十筒

巴豆 七十粒

右八味先以巴豆微打破同練子用麩炒候黑色豆麩不用外為細末每服一錢温酒送下疼甚者炒生

薑熱酒下亦得

茴香練實丸

川練子 炒

茴香

山茱萸

食茱萸



吳茱萸 湯洗 青橘皮 去白 陳皮 馬蘭花 醋炒

芫花 各一兩

右為極細末醋糊為丸如桐子大每服三十丸温酒送下食前量人虛實加減丸數以利為驗

### 川苦練散

木香 一兩另 茴香 揀淨一兩 鹽 一匙 一處

川練子 一兩剉碎用巴豆一十箇微破皮與川練子一處炒黃不用巴豆

右件為極細末每服二錢温酒一盞調下空腹大抵

此疾因虛得之不可以虛而驟用補藥邪之所湊其

醫學發明  
三  
氣必虛留而不去其病則實故必先滌所蓄之邪然後補之是以諸方多借巴豆氣者蓋爲此

瀉之則脹已汗之則瘡已

東南二方者在人則爲丙小腸熱甲膽風小腸與膽皆居其下其性炎上其瘡外有六經之形證內無便溺之阻膈飲食如故清便自調知不在裏非疽瘡也止癰癤也小則爲瘡大則爲癰其邪所受於下風濕之地氣自外而來侵加於身者也經云營氣不從逆於內理乃生癰腫諸痛痒瘡皆屬心火此瘡自外而入

是丙小腸左遷入於膽作痛而爲痒也此二方皆主  
血血爲病必痛此元氣不足營氣逆行其瘡初出未  
有傳變在於肌肉之上皮毛之間只於風熱六經所  
行經絡地分出矣宜瀉其風濕熱醫者只知陰覆其  
陽則汗也此宜發汗者乃濕熱鬱其手足少陽致血  
脈凝逆使營衛周身元氣消弱也其風熱鬱滯于下

其面色必赫赤而腫微黯色

東方青埋  
沒之色也

風木之性

上衝顏必忿色其人多怒其瘡之色亦赫赤腫硬微  
脈止色其瘡之形勢亦奮然高起結硬而作痛也其



醫學發明  
滯黯在左手左手主表左寸外洪緩左關洪緩而弦  
是客邪在於血脈之上皮膚之間宜急發其汗而通  
其榮衛則邪氣去矣以

托裏榮衛湯主之

黃耆 半兩

柴胡

連翹

各二錢

羌活

防風

當歸身

生黃芩

各錢半

炙甘草

人參

各二錢

蒼朮

三錢

紅花

桂枝

各半兩

右咬咀都作一服水酒各一大盞同煎至一盞去滓

大溫服

沉香海金砂丸 治一切積聚脾濕腫脹肚大青筋羸

瘦惡證

沉香 一錢

海金砂 一錢  
半 一錢  
輕粉 一錢

牽牛頭末 一兩

右各秤分兩同為細末研獨科蒜如泥為丸如桐子  
大每服三十丸或五十丸煎百沸燈心通草湯送下  
空腹食前量大小虛實加減丸數取利為驗

續隨子丸 治通身虛腫喘悶不快

人參

漢防已

赤茯苓 麩蒸

木香

檳榔 各半兩

續隨子

海金砂 五錢另炒

苦苧藤 四兩紙隔炒

右為細末棗肉為丸如桐子大每服二三十丸煎桑

根白皮湯送下

海金砂散 治脾濕太過通身腫滿喘不得卧腹脹如

鼓

牽牛 一兩半半生半炒

海金砂 甘遂 各半兩

右為細末每服二錢煎倒流水一盞調下食前得宜

利止後服



太陰所至為蓄滿中滿霍亂吐下

木香搗氣丸 治中滿腹脹下元虛損者

陳皮 去白

蘿蔔子 炒各半兩 胡椒

木香

草豆蔻 麩裏燒去皮

青皮

蝎尾 去毒二錢半

右為細末水糊為丸桐子大每服三十丸温酒飲送下食後忌服白粥百日重者一年小兒麻子大桑白皮湯送下十丸日三服大人桐子大四十九如陰囊洪腫冰冷次用滄鹽乾薑白麩各三錢水和交攤紙

醫學彙編  
上塗用

廣茂潰堅湯 治中滿腹脹內有積塊堅硬如石令人

坐卧不能大小便澀滯上喘氣促面色痿黃通身虛

腫

厚樸

黃芩

草豆蔻

益智仁

當歸

各五分

黃連

六分

半夏

七分

廣茂

紅花

吳茱萸

升麻

各二分

生甘草

柴胡

澤瀉

神麴

青皮

橘皮

各三分

如渴加葛根四分

右咬咀都作一服水二盞先浸少時煎至一盞去滓  
大温服食前

導滯通經湯 治脾濕有餘及氣不宣通面目手足浮

腫

陳皮

桑白皮

白朮

木香

茯苓

去皮各一兩

霖雨時加澤瀉

半兩

右咬咀每服半兩水二盞煎至一盞去滓大温服食

前

赤茯苓丸

治脾濕太過四肢腫滿腹脹喘逆氣不宣



通小便赤澁

葶藶

四兩

防已

二兩

赤茯苓

一兩

木香

半兩

右件爲細末棗肉爲丸如桐子大每服三十丸煎桑

白皮湯送下食前

諸脈按之無力所生病證

并治法

六脈中之下得弦細而濇按之無力腹中時痛心胃控  
畢陰陰而痛或大便泄瀉鼻不聞香臭清濁涕不止  
目中泣出喘喝痰嗽唾出白沫腰沉沉苦痛項背曾  
皆時作痛目中流火口鼻惡寒時頭痛目眩苦振寒

不止或嗽或吐或嘔或噦則發躁蒸蒸而熱如坐甑  
中必得去衣居寒處或飲寒水則便過其振寒復至  
氣短促胸中滿悶而痛必有膈咽不通欲絕之狀甚  
則目瞪聲聞於外而淚涕涎痰大作方過其發躁須  
臾而已振寒復至或面白而不澤者脫血也悲愁不  
樂情慘慘意悲悲健忘或善嚏間出此風熱大損寒  
水燥金之復也如六脉細弦而瀋按之空虛此大寒  
證亦傷精氣以辛甘溫甘熱滑潤之劑以瀉西方北  
方則愈

薑附湯 治中寒口噤四肢強直失音不語或卒然暈

倒口吐涎沫狀如冒風手足厥冷或腹煩燥兼治陰

證傷寒大便自利而發熱者

乾薑

二兩另  
爲細末

附子

一兩生用去  
皮臍細切

右和勻每服三錢水一盞半煎至七分去粗溫服或  
慮此藥大燥卽以附子理中湯相繼服餌薑附本治  
傷寒經下之後又復發汗內外俱虛身無大熱晝則  
煩燥夜則安靜不嘔不喝六脉沉伏並宜服此不知  
脈者更須審之兼治中脘虛寒久積痰水心腹冷痛



霍亂轉筋四肢厥逆 一方附子湯以生用者名白  
通湯加白朮倍之甘草減半名生附白朮湯治中風  
濕昏悶恍惚腹滿身重手足緩縱繫繫自汗失音不  
語便利不禁 一方用薑附湯加麻黃白朮人參甘  
草等分名附子麻黃湯治中寒濕昏暈緩弱腰背強  
急口眼喎斜語聲渾濁心腹臘脹氣上喘急不能轉  
動更宜審而用之

沉香桂附丸

沉香

附子

炮去支臍

乾薑

炮

良薑

剉炒

官桂 去皮

茴香

川烏頭 炮去皮臍剉作塊子子如豆大

再炒令黃用

吳茱萸 湯浸洗去苦炒

右各一兩為細末用好醋煮麪糊為丸如桐子大每

服五七十九丸熟米飲送下空腹食前日進二服忌生

冷硬物

十全大補湯

人參

肉桂

川芎

熟地黃

茯苓 去白

白朮

甘草

黃耆

當歸 去蘆

白芍藥

右件一十味剉爲釐末每服二錢水一盞入生薑三片棗二枚同煎至七分去滓溫服不拘時

諸脹腹大皆屬於熱

諸脹腹大皆屬於熱此乃八益之邪有餘之證自天外而入是感風寒之邪傳裏寒變爲熱作胃實日晡潮熱大渴引飲讖語是太陽陽明并大實大滿者大承氣下之少陽陽明微滿實者小承氣下之泄之則脹已此之謂也假令痰瘧爲脹滿亦有寒脹熱脹是天之邪氣傷暑而得之不卽時發至秋暑氣衰絕而瘧



病作矣知其寒也局方用交解飲子者是也內虛不  
足寒濕令人中滿及五臟六腑俱有脹滿更以脈家  
寒熱多少較之胃中寒則脹滿濁氣在上則生脹臝  
脹取三陽三陽者足太陽膀胱寒水爲脹腹暴滿按  
之不下取太陽經絡者胃之募也正同腹滿臝脹支  
高肘脇下厥上胃過在太陰陽明胃中寒濕鬱遏也  
太陰臝脹後不利不欲食食則嘔不得卧按所說寒  
脹之多如此中滿治法當開鬼門潔淨府開鬼門者  
謂發汗也潔淨府者利小便也中滿者瀉之於內謂

脾胃有病當令上下分消其氣下焦如瀆氣血自然  
分化不待泄滓濺如或大實大滿大小便不利從權  
以寒熱藥下之或傷酒濕麪及味厚之物膏粱之人  
或食已便卧使濕熱之氣不得施化致令腹脹滿此  
脹亦是熱脹治熱脹分消丸主之 如或多食寒涼  
及脾胃久虛之人胃中寒則脹滿或藏寒生滿病以  
治寒脹中滿分消湯主之 病勢大小用藥輕重臨  
時加減不敢少越耳

中滿分消丸 治中滿鼓脹氣脹水氣脹大熱脹不治

寒脹

黃芩去腐剉 薑黃 白朮 人參去蘆

炙甘草 猪苓去黑皮 黃連去鬚剉 白茯苓去皮

縮砂仁 乾生薑各二錢 枳實炒

半夏湯浸七次 厚樸薑製 知母剉炒

澤瀉三錢 陳皮

右細碾茯苓澤瀉生薑各各為末另秤外共為極細

末秤入上三味和勻水浸蒸餅為丸如桐子大每服

一百丸焙熱白湯送下寒因熱用故 食遠量病人虛



實加減

中滿分消湯 治中滿寒脹寒疝大小便不通陰躁足不收四肢厥逆食入反出下虛中滿腹中寒心下痞下焦躁寒沉厥奔豚不收並宜服之

益智仁

半夏

茯苓

木香

升麻 各三分

川烏頭

澤瀉

人參

青皮

當歸

生薑

麻黃

柴胡

乾薑

萹澄茄

黃連 各二分

黃耆

吳茱萸

草豆蔻

厚樸 各五分

黃蘗

五分使藥又為熱因寒用

右件剉如麻豆大都作一服水二大盞煎至一盞去

滓大温服食前大忌房勞酒濕麪生冷硬物

諸嘔吐酸皆屬於熱

霍香安胃散 治胃虛弱不能飲食嘔吐不待腐熟

藿香

丁香

人參

各二錢半

橘皮

半兩

右件四味為細末每服二錢水一盞生薑三片同煎

七分和滓冷服食前

加減二陳湯 治痰飲為患或嘔吐惡心或頭眩心悸

或中脘不快或發為寒熱或因食生冷脾胃不和竝宜服之

丁香 一兩

半夏

橘紅 各五兩

茯苓 三兩

炙甘草 一兩半

右咬咀每服四錢水一盞半生薑七片烏梅一箇煎至六分去粗熱服不拘時候治痞疾加草豆蔻一兩半麪裹燒熟用

諸痿喘嘔今立熱喘寒喘二方

人參平肺散

治心火刑肺傳為肺痿咳嗽喘嘔痰涎



壅盛胃膈痞滿咽嗑不利

桑白皮 一兩 知母 七錢 炙甘草

地骨皮 各半兩 五味子 三百箇 茯苓 青皮

人參 各四錢 陳皮 半兩 天門冬 去心四錢

右件呔咀水二盞煎至一盞去滓温服食後如熱甚

加

黃芩 四錢 紫蘇葉 半夏 洗各半兩

參蘇温肺湯 治形寒飲冷傷肺喘嗽煩心胃滿氣不

得動暢

人參

紫蘇葉

甘草 各半兩

肉桂

五味子

木香 各四錢

陳皮 去白

白朮 各六錢

半夏 薑製

白茯苓 去皮各半兩

桑白皮 一兩

右為釐末每服半兩水一盞半生薑三片同煎至八

分去滓大溫服食後如冬寒每服中加不去節麻黃

五分先洗去沫下諸藥

諸脈有關有覆有溢

滋腎丸 治不渴而小便閉邪熱在血分也

黃蘗 三兩細剉酒拌陰乾秤

知母 二兩酒浸陰乾秤

肉桂 一錢半

右上三味氣味俱陰以同腎氣故能補腎而瀉下焦火也桂與火邪同體故曰寒因熱用凡諸病在下焦皆不渴也熟水為丸百沸湯送下

清肺飲子 治渴而小便閉邪熱在氣分也

茯苓 去皮

猪苓 去皮

白朮 各三錢

澤瀉

琥珀

瞿麥

肉桂 各五分

燈心

木通 七分

車前子 炮二錢

通草 二分

篇蓄 七分

右為極細末每服半兩水一盞半煎至一盞帶熱服



或剉如麻豆大作湯煎服亦可局方中八正散仲景  
五苓散亦宜用

損其腎者益其精

腎有兩枚右爲命門相火左爲腎水同質而異事也夫  
損者當損何藏而治之形不足者溫之以氣精不足  
者補之以味氣化精生味和形長無陰則陽無以化  
當以味補腎眞陰之虛而瀉其火邪以封髓丹滋腎  
丸地黃丸之類是也陰本旣固陽氣自生化成精髓  
若相火陽精不足宜用辛溫之劑世之用辛熱之藥

者治寒甚之病非補腎精也

還少丹 大補心腎脾胃一切虛損神志俱耗筋力頓

衰腰脚沉重肢體倦怠血氣羸乏小便渾濁

乾山藥

牛膝

酒浸一宿焙乾

遠志

山茱萸

白茯苓

五味子

巴戟

酒浸去心

石菖蒲

肉蓯蓉

酒浸一宿切焙乾

枳實

各一兩

枸杞

一兩半

杜仲

去皮薑汁并酒合塗炙熟

舶上茴香

各一兩

熟地黃

一兩半

右爲細末煉蜜同棗肉爲丸如桐子大每服二十九

溫酒或鹽湯送下日三服食前五日覺有力十日精神爽半月氣力頗壯二十日日明一月夜思飲食冬月手足常暖筋骨壯盛如熱加山梔子一兩心氣不寧加麥門冬一兩少精神加五味子一兩陽弱加續斷一兩常服齒堅永無瘡瘡婦人服之暖子宮姿容悅澤

補益腎肝丸 治目中溜火視物昏花耳聾耳鳴困倦乏力寢汗憎風行步不正兩足欹側卧而多驚脚膝無力腰已下消瘦



柴胡

羌活

生地黄

炒

苦參

防已

炒各半兩

附子

炮

肉桂

各一錢

當歸身

三錢

右件為細末熱水為丸如鷄頭大每服四十丸溫水

下食前

水芝丸

蓮實去皮不以多少用好酒浸一宿入大豬肚內

用水煮熟取出焙乾

右為極細末酒糊為丸如鷄頭大每服五七十丸溫

酒送下食前

上部有脈下部無脈其人當吐食傷太陰也

瓜蒂散

瓜蒂

赤小豆

各等分

右二味為末末每服二錢七溫漿水調下取吐為度

地黃丸 治腎氣虛久新憔悴寢汗發熱五藏齊損瘦

弱虛煩骨蒸痿弱下血

乾山藥

山茱萸

各四錢

澤瀉

牡丹皮

白茯苓

各三錢

熟地黃

八錢

右為末煉蜜為丸如桐子大每服五十丸溫水送下

空心

三才封髓丹 降心火益腎水

天門冬 去心

熟地黃

人參 去蘆各半兩

黃蘗 三兩

縮砂仁 一兩半

甘草 七錢

右件爲細末水糊爲丸如桐子大每服五十九丸用菴蓉半兩切作片子酒一大盞浸一宿次日煎三四沸去滓送下前九子空心

離硃丹 又名神珠丹

治下焦陽虛臍腹冷痛足脢寒而逆

杜仲 三兩去絲

草薺 二兩

訶子 五箇

龍骨 一兩



破故紙

炒三兩

硃砂

一錢半研

胡桃

一百二十箇去隔皮

縮砂仁

半兩

巴戟

酒浸去心二兩

右件爲細末酒糊爲丸如桐子大硃砂爲衣每服二

十丸空心鹽湯温酒下

大真丹 治下焦陽虛

沉香

巴戟

酒浸去心

茴香

鹽炒香去鹽用

草薺

酒浸炒

胡蘆巴

炒香

琥珀

牽牛

鹽炒香黑去鹽

破故紙

炒香

杜仲

炒去絲各一兩

肉桂

半兩

右十味爲細末用元浸藥酒打麩糊爲丸如桐子大

每服五十丸至七八十丸空心温酒下

八味丸 治腎氣虛之下元冷憊臍腹疼痛夜多旋溺

脚膝緩弱肢體倦怠面色痿黃或黧黑及虛勞不足

渴欲飲水腰重疼痛少腹急痛小便不利並宜服之

熟地黄 八兩

山藥

山茱萸 各四兩

肉桂 去皮二兩

牡丹皮

澤瀉

白茯苓 去皮各三兩

附子 炮二兩

右件為細末煉蜜為丸如桐子大每服五十丸至七十丸温酒送下鹽湯亦得空腹食前婦人淡醋湯下

陽事多痿不振用全方然夏減桂附一半春秋三停

減一

疾去精走全減桂附  
只服六味地黃丸

血虛陰衰熟地爲君精滑

山茱萸爲君小便或多或少或赤黃白茯苓爲君小便淋瀝澤瀉爲君心虛腸胃間積熱肝氣盛心氣不足牡丹皮爲君皮膚燥澀乾山藥爲君已土但言爲君者其分兩用乾地黃分兩其乾地黃卻依立爲君分兩同

幽門不通上衝吸門不開噎塞大便燥秘

通幽湯



當歸身

升麻

桃仁泥子各一錢

生地黄

熟地黄各五分

炙甘草

紅花各一分

右咬咀水煎服食前

潤腸湯 治大腸燥結不通

升麻

當歸尾

生甘草

煨大黃

桃仁

麻仁

熟地黄各一錢

生地黄二錢

紅花三分

右件剉如麻豆大都作一服水三盞先拌藥濕煎至

一盞去滓帶熱服食前

脚氣論

夫脚氣之疾實水濕之所爲也蓋濕之害人皮肉筋脈而屬於下然亦有二焉一則自外而感一則自內而致其治法自應不同南方之疾北方之疾自內而致者也南方地下水寒其清濕之氣中於人必自足始北方之人常食滷乳又飲之無節且滷乳之爲物其形質則水也酒體亦然人之水穀入胃胃氣蒸騰其氣與味宣之於經絡化之爲氣血苟元氣不充胃氣本弱飲食自倍脾胃乃傷其氣與味不得宣暢旁通

水濕之性潤下而致之也

當歸拈痛湯 治濕熱為病肢節煩痛肩背沉重胷膈

不利及遍身疼痛下至於足脛腫痛不可忍

羌活 半兩

人參 去蘆

苦參 酒洗

升麻

葛根

蒼朮 各二錢

炙甘草

黃芩 酒洗

茵陳葉 酒炒各半兩

防風 去蘆

當歸身

知母 酒洗

黃芩 炒

澤瀉

猪苓 各三錢

白朮 一錢半

右咬咀如麻豆大每服一兩水二大盞半先以水拌



濕候少時煎至一大盞去滓溫服空心食前待少時以美饌壓之臨卧一服不須膳壓

羌活導滯湯 治脚氣初發一身盡疼或肢節腫痛便

溺阻隔以此藥導之後以當歸拈痛湯除之

羌活 獨活 各半 大黃 酒煨 一兩 防已

當歸 各三錢 枳實 炒 二錢

右伴咬咀如麻豆大每服秤五錢或七錢水二盞煎至一盞去滓溫服以微利則已量虛實加減

開結導引丸 治飲食不消心下痞悶

橘皮

白朮

澤瀉

茯苓

麥蘖麩

炒麩

乾生薑

青皮

各半兩

枳實

半夏

湯洗七次一兩

如有積塊加巴豆霜一錢半

右件爲細末湯浸蒸餅爲丸如桐子大每服三五十

丸至七十丸溫水下食遠

除濕丹 治諸濕客傳腰膝重痛足脛浮腫

檳榔

甘遂

威靈仙

赤芍藥

葶藶

各二兩

乳香

沒藥

各一兩另研

牽牛 半兩

大戟 炒三兩

陳皮 去白四兩

右爲末麪糊爲丸如桐子大每服五十丸至七八十  
丸溫水下食前得更衣止後服如服藥前後忌酒二  
日藥後亦忌濕麪三兩日食溫淡粥補胃尤佳

淋瀝脚氣除濕湯 內受濕氣不能外達淋瀝開導泄

越其邪

葳靈仙

防風 去蘆

荆芥穗

當歸 去蘆

地骨皮

蒟蘿葉

升麻 去腐

白芍藥 去皮各一兩



右件各剉細末水二斗煮至一斗五升去滓熱溲洗  
無時

枳實大黃湯 治脚氣腫痛

羌活

一錢半

當歸身

一錢

枳實

大黃

各五分

右剉如麻豆大都作一服水二大盞半煎至一盞去  
滓大温服空心下利一兩行痛止

中風有三

內經曰人之氣以天地之疾風名之故中風者非外來  
風邪乃本氣病也凡人年過四旬氣衰者多有此疾

壯歲之際無有也若肥盛則間有之亦形盛氣衰如  
此治法和藏府通經絡便是治風然輕重有三中血  
脈則口眼喎邪亦有賊風襲虛傷之者也中府則肢  
廢中藏則性命危急此三者治各不同如中血脈外  
有六經之形證則從小續命湯加減及疎風湯治之  
中府內有便溺之阻隔宜三化湯或局方中麻仁丸  
通利外無六經之形證內無便溺之阻隔宜養血通  
氣大秦芎湯羌活愈風湯治之中藏痰涎昏冒宜至  
寶丹之類鎮墜若中血脈中府之病初不宜用龍麝

牛黃爲麝香治脾入肉牛黃入肝治筋龍腦入腎治骨恐引風深入骨髓如油入麩莫之能出又不可一槩用大戟芫花甘遂瀉大便損其陰血眞氣愈虛方列於後

小續命湯

麻黃 去節

人參 去蘆

黃芩 去腐

芍藥

炙甘草

川芎

杏仁 麩炒去皮尖

防已

官桂 各一兩

防風 一兩半

附子 炮去皮臍細剉半兩

右除附子杏仁外搗爲麤末後入二味令勻每服五



錢水一盞半入生薑五片煎至一盞去滓稍熱服食  
前

始治中風不審六經之形證加減雖治與不治無異也  
開則灑然寒閉則熱而悶知暴中風邪宜先以加減  
續命湯隨證治之中風無汗惡寒宜

麻黃續命湯

麻黃

防風

杏仁

依本方加一倍宜鍼太陽經至陰出血崑崙舉躄

中風有汗惡風桂枝續命湯

桂枝

芍藥

杏仁

依本方加一倍宜鍼風府此二證太陽中風也

中風身熱無汗不惡寒白虎續命湯

石膏

知母

一料中各加二兩

甘草

依本方加一倍

中風身熱有汗不惡風葛根續命湯

葛根

桂枝

黃芩

依本方加一倍宜鍼陷谷刺厲兌鍼陷谷者去陽明之賊也刺厲兌者瀉陽明之實也此二證陽明中風

也

中風無汗身涼附子續命湯

附子

加一倍

乾薑

加二兩

甘草

加二兩

宜鍼隱白穴去太陰之賊也此一證太陰經中風也

中風有汗無熱桂附續命湯

桂枝

附子

甘草

依本方加一倍宜鍼太谿此一證少陰經中風也

無此四證六經混殺繫於少陽厥陰或肢節攣痛或麻

木不仁宜



羌活連翹續命湯

小續命 八兩

羌活 四兩

連翹 六兩

右古之續命混殺無經今立分經治療又分各經鍼刺無不愈也治法厥陰之井大敦刺以通其經少陽之經絕骨灸以引其熱此通經引熱是鍼灸同象治法之大體也

踈風湯 治半身不遂或肢體麻痺筋骨疼痛

麻黃

去節 三兩

益智仁

杏仁

炒去皮 各一兩

炙甘草

升麻

各五兩

右件咬咀每服一兩水一小碗煎至六分去滓熱服  
脚蹬熱水葫蘆以大汗出去葫蘆冬月不可

中風外有六經之形證先以加減續命隨證治之內有  
便溺之阻隔復以

三化湯導之

厚樸

酒製

大黃

枳實

羌活

右剉麻豆大每服三兩水三升煎至一升半終日服  
之以微利則已如內邪已除外邪已盡當從愈風湯  
加減治之然治病之法不可失於通塞或一氣之微

汗或一旬之通利如此為常治之法也久之清濁自  
分榮衛自和矣

羌活愈風湯 療腎肝虛筋骨弱語言難精神昏憤及  
治風濕內弱者是風熱體重也或瘦而一肢偏枯或  
肥而半身不遂或恐而健忘喜已多思思忘之道皆  
精不足也故心亂則百病生靜則萬病息是以此藥  
能安心養神調陰陽無偏勝

羌活

甘草

炙

防風

去蘆

黃耆

去蘆

蔓荊子

川芎

細辛

枳殼

麩炒  
去穰



人參 去蘆

地骨皮 去骨

麻黃 去根

知母 去皮

甘菊

薄荷 去枝

枸杞

當歸 去蘆

獨活

白芷

杜仲 炒去鬚

秦艽 去蘆

柴胡 去苗

半夏 湯洗薑製

厚樸 薑製

熟地黃

防已 各二兩

芍藥 去皮

黃芩 去腐

白茯苓 去皮各二兩

石膏

生地黃

蒼朮 各四兩

官桂 一兩 泔浸

前胡 二兩

右剉每服一兩水二盞煎至一盞去滓溫服如遇天

陰加生薑三片煎服空心一服臨卧再煎滓服俱要

食遠空心一服喫下二丹丸爲之重劑臨卧喫下四  
白丸爲之輕劑立其法是動以安神靜以清肺

假令一氣而微汗用愈風湯三兩加麻黃一兩勻作  
四服每服加生薑五七片空心服之以粥投之得微  
汗則佳 如一旬之通利用愈風湯三兩大黃一兩  
亦勻作四服如前煎臨卧服之得利爲妙 常服之  
藥不可失四時之輔如望春大寒之後加半夏二兩  
柴胡二兩通四兩人參二兩通四兩謂迎而奪少陽  
之氣也

望夏之月半加石膏二兩通六兩黃芩二兩通五兩  
知母二兩通四兩謂迎而奪陽明之氣也

季夏之月加防已二兩通四兩白朮二兩茯苓二兩  
通五兩謂勝脾土之濕也

初秋大暑之後加厚樸二兩通四兩藿香二兩桂一  
兩通二兩謂迎而奪太陰之氣也

霜降之後望冬加附子一兩官桂一兩當歸二兩通  
四兩謂勝少陰之氣也

二丹丸四白丸方在後衛生寶鑑內附



得春減冬所加藥四時加減類此此藥具七情六慾  
四氣無使五藏偏勝反不動於榮衛如風秘則服之  
永不燥結如久瀉則服之能自調適初覺風氣便能  
服此藥及新方中大麻丸一料相爲表裏治未病之  
聖藥也及已病者更宜常服無問男子婦人小兒風  
癘急慢驚風等病服之神效如解利四時傷寒隨四  
時加減法服之

中風外無六經之形證內無便溺之阻隔知爲血弱不  
能養於筋故手足不能運化舌強不能言宜養血而

筋自榮也當以

大秦茛湯主之

秦茛

石膏

各二兩

甘草

川芎

當歸

羌活

獨活

防風

黃芩

白芍藥

吳白芷

白朮

生地黄

熟地黄

白茯苓

各一兩

細辛

半兩

右剉每服一兩水二盞煎至一盞去滓温服無時如

遇天陰加生薑七八片如心下痞每服一兩內加枳

實一錢同煎

肺寒則面白生痰喘欬唾

半夏溫肺湯 治心腹中脘痰水冷氣心下汪洋嘈雜  
腸鳴多唾口中清水自出脇肋急脹痛不欲食此胃  
氣虛冷所致其脈沉弦細遲

細辛

橘皮

桂心

人參

旋覆花

甘草

桔梗

芍藥

半夏

各半兩

赤茯苓

三分

右爲麤末每服四錢水一盞半生薑七片煎至八分  
去滓溫服食後



丁香半夏丸 治心下停飲冷痰頭目眩運睡臥口中

多涎

枳榔 三分

丁香

半夏 各一兩

細辛

乾薑

人參 各半兩

右為細末生薑麩糊為丸如桐子大每服三十丸生

薑湯下日三

紫蘇飲子 治脾肺虛寒痰涎欬嗽

紫蘇葉

桑白皮

青皮

五味子

杏仁

麻黃

甘草

陳皮 各半兩

人參

半夏

湯洗各三兩

右呔咀每服半兩水二盞生薑三片煎至七分去滓

温服

肺病面白而不澤則為脫氣脫血脫津脫液脫精

脫神

巴戟丸 治肝腎俱虛收斂精氣補真戢陽充越肌膚

進美飲食

五味子

川巴戟

去心

肉蓯蓉

人參

兔絲子

熟地黃

覆盆子

白朮

益智仁 炒

骨碎補 洗去毛

白龍骨

茴香

牡蠣 各等分

右爲細末煉蜜爲丸如桐子大每服三十丸空心食前米飲送下此藥補精氣止汗

雙和散 補益血氣治虛勞少力

黃耆

熟地黃

當歸

川芎

白芍藥 三兩半

官桂

甘草 各三分

人參 三錢

右咬咀每服五錢水二盞生薑三片肥棗一枚同煎至八分去滓溫服大疾之後虛勞氣乏者以此調治



皆驗温而有補

附子温中丸 治脾胃順氣化痰嘔吐噎膈留飲腸鳴

濕冷泄注辟寒養正氣

附子

乾薑

白朮

各一兩

肉桂

炙甘草

各半兩

良薑

七錢

右爲細末煉蜜爲丸一兩作十丸每服一丸細嚼生

薑橘皮湯送下米飲亦得食前

五邪相干

謂賊實微虛正也

假令肝病 實邪風熱相合風性急火搖動焰而旋轉

其脈弦而緊洪風熱發狂宜

芎黃湯

羌活

川芎

大黃

各一兩

甘草

半兩

右㕮咀每服半兩水二盞煎至六分去滓溫服

虛邪風寒相合木慮腎恐拘急自汗其脈弦緊而沉仲  
景云風感太陽移證在太陽經中桂枝加附子湯主  
之

賊邪風燥相合血虛筋縮皮膚皴揭脈弦浮而濇仲景  
云血虛筋急桂枝加括蕞湯主之

微邪風濕相合體重節痛藏府洞泄脈弦長而緩仲景云身體疼痛下利清穀急當救裏四逆湯主之

正邪中風目眩頭重叫怒不出脈弦緊而長仲景云甚則如癰爲瘥真羌活湯本草云羌活主瘥主癰防風黃芩爲佐小兒爲癰大人爲瘥

假令心病 實邪熱濕相合憤憤心煩熱蒸不眠脾經絡於心經起於心心脾二經相接故爲濕熱脈浮大而緩足太陰寄證在手太陽宜梔豉湯若痞加厚朴枳實 虛邪熱風相合妄聽妄聞耳聾聲膽與三焦



之經同出於耳銅人云刺關衝出血瀉支溝脈浮大  
而弦初小柴胡湯後大柴胡湯此證是太陽與少陽  
爲病前客後主也 賊邪熱寒相合膽惕心懸如饑  
神怯恐怖足少陰與手厥陰相接水中心經守邪故  
神怯怖耳脈大而沉濡亦在太陽經中內經曰心虛  
則熱收於內黃連附子瀉心湯主之法云熱多寒少  
以爲佐矣如寒多熱少加附子乾薑佐之 微邪熱  
燥相合過飲歌樂實爲熱燥俗言暢飲也病人曰快  
活快活是有聲於歌樂也以意思漿是無聲歌樂也

脈洪大而濇白虎湯主之喘則加人參 正邪熱也  
脫陽見鬼躁擾狂起脈洪實一呼四至是八至脈也  
小承氣湯主之謂腹不堅大也

假令脾病 實邪濕燥相合胃中燥屎腹滿堅痛其脈  
緩而長濇是正陽陽明證也調胃承氣湯主之 虛  
邪濕熱相合熱陷胃中腸癖下血脈中緩大黃黃連  
解毒湯主之 賊邪濕風相合嘔逆脇痛往來寒熱  
脈緩而弦長小柴胡湯主之 微邪濕寒相合濕與  
寒交寒來求濕身黃而不熱體重而不渴謂之寒濕

其脈緩沉而滑尤附湯主之如小便不利者加茯苓  
正邪濕自病腹滿時痛手足自溫其脈沉濇而長  
虛痛桂枝加芍藥湯主之實痛桂枝加大黃湯

假令肺病實邪燥寒相合毛聳皮涼溲多而清其脈  
短濇而沉此證如秋冬宜八味丸若春夏宜地黃丸

虛邪燥濕相合微喘而痞便難而痰其脈浮濇而  
緩枳實理中丸主之如喘甚加人參若便難加木香  
檳榔各半錢爲極細末煎下理中丸 賊邪燥熱相  
合鼻塞衄血溢血泄其脈濇而浮大甚者桃仁承



氣湯微者犀角地黃湯極者抵當湯微極抵當丸  
微邪燥風相合皮著甲枯血虛氣虛二藏俱虛先血  
後氣其脈浮濇而弦久養氣血藥主之 正邪燥自  
病其氣奔鬱皆屬於肺諸燥有聲其脈浮濇而短列  
諸嗽藥選而用之

假令腎病 實邪寒風相合藏不藏散下利純清其脈  
沉滑而弦仲景云少陰證口燥咽乾下利純清大承  
氣湯主之脈沉弦而遲四肢逆冷者宜四逆湯等  
虛邪寒清相合腎唾多呻灑浙寒清無寐經言燥化

清其脈沉實而濇酸棗仁湯主之 賊邪寒濕相合  
腎爲胃關關閉水溢關閉不利水在胃爲腫水在肺  
爲喘及變諸證其脈沉緩而太仲景云大病差後腰  
下有水氣者牡蠣澤瀉湯主之 微邪寒熱相合勝  
胱熱鬱津液枯少其脈沉濡而大內經曰水少乾涸  
也猪苓湯主之 正邪寒自病寒愈用藏黑痺經沉  
其脈沉濡而滑黑痺天麻丸如證同脈異微者府病  
也甚者藏病也

淹疾瘧病

肝病 面青脈弦皮急多青則痛形盛胃脇痛耳聾口  
苦舌乾往來寒熱而嘔已上是形盛當和之以小柴  
胡湯也如形衰骨搖而不能安於地此乃膝筋治之  
以羌活湯本草云羌活爲君也瘧證取以小陽如久  
者發爲瘧瘧宜以鑱鍼刺絕骨穴復以小柴胡湯治  
之  
心病 面赤脈洪身熱赤多則熱暴病壯熱惡寒麻黃  
加知母石膏黃芩湯主之此證如不發汗久不愈爲  
瘧也淹疾頻腫面赤身熱脈洪緊而消瘦婦人則亡



血男子則失精

脾病 面黃脈緩皮膚亦緩黃多則熱形盛依傷寒說是爲濕溫其脈陽浮而弱陰小而急治在太陰濕溫自汗白虎湯加蒼朮主之如久不愈爲溫瘧重暍白虎加桂枝主之淹疾肉消食少無力故曰熱消肌肉宜以養血涼藥內經曰血生肉

肺病 面白皮濇脈亦濇多白則寒暴病濇痒氣虛麻黃加桂枝令少汗出也傷寒論曰夏傷於暑汗不得出爲痒若久不痊爲風瘧形衰面白脈濇皮膚亦濇

形羸氣弱淹疾衛氣不足

腎病 面黑身涼脈沉而滑多黑則痺暴病形冷惡寒  
三焦傷也治之以薑附湯或四逆湯久不愈爲瘧暴  
氣衝上吐食夜發俗呼謂之夜瘧太陽經桂枝證形  
衰淹疾黑痺羸瘦風痺痿厥不能行也

百病在氣在血

夫百病晝則增劇遇夜安靜是陽病有餘乃氣病而血  
不病也 百病夜則增劇晝則安靜是陰病有餘乃  
血病而氣不病也 晝則發熱夜則安靜是陽氣自

旺於陽分也 晝則安然夜則發熱煩燥是陽氣下  
陷入陰中也名曰熱入血室 晝則發熱煩燥夜亦  
發熱煩燥是重陽無陰也當亟瀉其陽峻補其陰  
夜則惡寒晝則安靜是陰血自旺於陰分也 夜則  
惡寒晝亦惡寒是重陰無陽也當亟瀉其陰峻補其  
陽 夜則安靜晝則惡寒是陰氣上溢於陽中也

夫五藏有邪各有身熱其狀各異以手捫摸有三法以  
輕手捫之則熱重按之則不熱是熱在皮毛血脈也  
重按之至筋骨之分則熱蒸手極甚輕手則不熱是



邪在筋骨之間也輕手按之不熱重加力以按之不熱不輕不重按之而熱是在筋骨之上皮毛血脈之下乃熱在肌肉也此爲三法以三黃丸通治之細分之爲五等

肺熱者輕手乃得但微按全無是瞥瞥然見於皮毛之上日西尤甚乃皮毛之熱其證必見喘嗽灑淅寒熱輕者瀉白散重者宜涼膈散白虎湯地骨皮散

心熱者心主血脈微按至皮膚之下肌肉之上輕手乃得微按至皮毛之下則熱少加力按之則全不熱

是熱在血脈也日中太甚乃心之熱也其證煩心心  
痛掌中熱而噦宜黃連瀉心湯導赤散朱砂安神丸  
清涼飲子

脾熱者輕手捫之不熱重按至筋骨又不熱不輕不  
重在輕手重手之間熱在肌肉遇夜尤甚證必怠惰  
嗜卧四肢不收無氣以動宜瀉黃散

肝熱者重按之肌肉之下至骨之上乃肝之熱寅卯  
間尤甚其脈弦四肢滿悶便難轉筋多怒多驚四肢  
困熱筋痿不能起於牀宜瀉青丸柴胡飲子

腎熱者輕手重手俱不熱如重手按至骨分其熱蒸  
手如火其人骨蘇蘇如蟲蝕其骨困熱不任亦不能  
起於牀宜滋腎丸六味地黃丸

治病必須求責

假令治病無問傷寒畜血結胃發黃等諸證并一切雜  
證等各當於六經中求責之謂如黃證或頭痛腰脊  
強惡寒卽有太陽證也或身熱目痛鼻乾不得卧卽  
有陽明證也餘皆倣此

醫學發明卷終